



18. april 2024

UPA2024/77

Ilisimatusarfimmi Ilinniartitsisunut, Perorsaasunut aammalu Isumaginninnermut Siunnersortinut ataatsimut kandidatinnigorniarfissamik Naalakkersuisut pilersitseqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Najaaraq Møller, Siumut)

Aallarniutigalugu Siumumiit qutsavigerusupparput Inatsisartuni ilaasortap, Najaaraq Møller-ip, Kalaallit Nunatsinni ilinniakkannik qaffarsaaviusussanik pilersitsisoqarnissaa siunertaralugu siunnersuummik qaqitaqarneranut.

Siumumi pingaartutut isigilluinnarparput ilinniarnermut ilinniaqqinnermullu kikkut tamarmik periarfissaqartuarnissaat anguniartuartariaqartoq. Taannami nunatta Naalagaaffinngornissaanut aamma qitiusutut inissisimalluinnarpoq. Ilinniakkat qaffasissut, aamma nunatsinnit aallaaveqartumik ilusilersukkat, inuiaqatigiinni periarfissaalerpata nunatta annertunerusumik aammalu nunap inuinit aallaaveqartumik ilisimatusarnikkut nukit pilersinneqartussaasut qularutissaanngilaq.

Taamatullu siunnersuummi kinguneraa malunnartumik tassaavoq inulerinnermut, perorsaanermut, ilinniartitsinnermut kiisalu peqqissaanermut tunngatillugu ilinniartiit ullumikkut nunatsinni qaffasinnerusumik ingerlaqqinnissamut periarfissaqarfigineqanngitsut ulluinnarnilu inuunitsinnut qitiusorujussuarmik inissisimasut siunnersuummi taakkartorneqarmata. Inuillu Kalaallit Nunaanni ilinniarsimasut amerlasuut angorusussimasarput taamatut ilinniagalinnik Siumumi pingaartutut isigaarput ulluinnarni inuusaatsitta ilisimatusarnikkut qaffassartuarnissaat, aammalu pingaaruteqarmat nunap inuinit tamanna suliarineqartariaqarmat.

Massumalu takutippaa nunatta, siuariartornera ilinniarnikkut Naalakkersuinikkut Inatsisartoqarnikkullu Ilimmarfik pilersinneranut siunniussimasaat, tassa qaffasinnerusumik ilinniarfeqalernissaanik siumungaaq isigaluni siunniussisimaneq.

Kinguneraalu nuna siuariartortoq tassaavoq aamma ilinniarsimassutsikkut pituttorsimanani ineriartorfiusoq. Ilinniarsimassuseq tassaavoq pisuussutini tunngaviunerpaat ilaat kimilluunniit



peerneqarsinnaanngitsoq. Nunatta inui taakkuupput pisuusummik tassannga periarfissinneqartussat nunattalu ineriartorneranut ilusiliisussat. Taamaattumik pisuusummik tamassuminnga nuna namminiileriartortoq immersortariaqarparput.

Tamannalu kinguneraa, suli annerusumik qaffasinnerusumik ingerlariaqqittarfiit ullumikkumut nunap suli annermik Ilimmarfimmi ilinniarfimmik pilersitsisoqarnissaa anguniarlugu Najaaraq Møller, uunga siunnersuutaanut Siumumit taperseratsigu, tamannalu ataatsimiitsitaliamut susasaqartumut ingerlateqqikkatsigu.

Dines Mikaelen, Siumut